

ЎЗБЕКИСТОН РЕСПУБЛИКАСИ СОҒЛИҚНИ САҚЛАШ ВАЗИРЛИГИ
ТОШКЕНТ ФАРМАЦЕВТИКА ИНСТИТУТИ

“АХБОРОТ СОАТИ”
МАТЕРИАЛЛАРИ

Хафтанинг ижтимоий – сиёсий воқеалари
(2016 йил 2-Май 7- майгача)

№38

Тошкент – 2016

Ўзбекистон Республикасини 2016 йилнинг биринчи чорагида ижтимоий-иқтисодий ривожлантириш якунлари тўғрисида

Ўзбекистон Республикасини 2016 йилнинг биринчи чорагида ижтимоий-иқтисодий ривожлантириш глобал иқтисодиётда инқирозли ҳолатлар ҳамон давом этаётган ва иқтисодиётнинг ривожланиши суст кечаётган, жаҳонда нархларнинг пасайиши кузатилаётган, экспортбоп кўплаб асосий товарларга нисбатан ташқи тўловга лаёқатли талаб камайиб бораётган бир шароитда амалга оширилди.

Шундай бир шароитда Ўзбекистон Республикаси Президенти Ислом Каримов томонидан белгилаб берилган 2016 йилга мўлжалланган иқтисодий дастурнинг энг муҳим устувор йўналишларини амалга ошириш учун мавжуд захира ва имкониятларни жалб этишга доир кўрилган чора-тадбирлар самарасида жорий йилнинг биринчи чорагида иқтисодиётимизнинг барқарор ўсиш суръатлари ва макроиқтисодий мутаносиблиги таъминланди.

I. Иқтисодиётда таркибий ўзгаришлар ва мамлакатни модернизация қилишни чуқурлаштириш, макроиқтисодий мутаносибликни таъминлаш

2015 — 2019 йилларда иқтисодиётни янада ислох қилиш, таркибий ўзгартириш ва диверсификациялаш дастурининг ҳаётга татбиқ этилиши натижасида шу йилнинг биринчи чорагида асосий макроиқтисодий кўрсаткичларнинг ижобий ўсиш суръатларини сақлаш таъминланди.

2015 йилнинг биринчи чорагига нисбатан ялпи ички маҳсулот ҳажми 7,5 фоиз ўсди. Макроиқтисодий барқарорлик давлат бюджетининг ялпи ички маҳсулотга нисбатан 0,1 фоиз профицити, ташқи савдо айланмасининг ижобий сальдоси ва 2 фоизли инфляция даражаси ҳисобидан таъминланди.

Саноат маҳсулоти ишлаб чиқариш ҳажми 7 фоиз ўсди ва ялпи ички маҳсулот таркибида 36,1 фоизни ташкил қилди. Қишлоқ хўжалиги маҳсулотлари етиштириш ҳажми 6,7 фоиз, чакана товар айланмаси ҳажми 12,8 фоиз, қурилиш-пудрат ишлари 19,4 фоиз кўпайди.

Хом ашё ва яримфабрикатларни чуқур қайта ишлаш асосида рақобатдош маҳсулотлар ишлаб чиқариш бўйича юқори технологияли замонавий ишлаб чиқаришларни фойдаланишга топширишни жадаллаштириш борасида кўрилган чора-тадбирлар натижасида инвестициялар ҳажми 8,5 фоиз ўсди. Жорий йилнинг биринчи чорагида ўзлаштирилган капитал қўйилмалар таркибида марказлаштирилмаган инвестициялар нисбатан катта ҳажми (умумий ҳажмнинг 80,7 фоизи) ташкил этди. Шунинг 34,2 фоизи хўжалик субъектларининг ўз маблағларидир.

Замонавий хизмат турларини, аввало, ахборот-коммуникация технологияларини кенг жорий этиш асосида жадал ривожлантириш чора-тадбирларининг амалга оширилиши самарасида хизматлар ҳажми 12,1 фоиз кўпайди, уларнинг ялпи ички маҳсулотдаги улуши ўтган йилнинг шу давридаги 59,3 фоиз ўрнига 59,5 фоизга етди.

***Ўзбекистон Республикасини 2016 йилнинг
биринчи чорагида ижтимоий-иқтисодий
ривожлантиришнинг асосий кўрсаткичлари
(2015 йилнинг шу давридагига нисбатан фоиз ҳисобида)***

Кўрсаткичлар
Ялпи ички маҳсулот

Ўсиш суръатлари
107,5

Саноат	107,0
Чакана савдо айланмаси	112,8
Қурилиш ишлари	119,4
Ўзлаштирилган инвестициялар ҳажми	108,5
Қишлоқ, ўрмон ва балиқчилик хўжалиги	106,7
Жами хизматлар	112,1

Ўзлаштирилган хорижий инвестициялар ҳажми 2015 йилнинг биринчи чорагига нисбатан 14,4 фоиз ўсди ва 732 миллион доллардан ортиқни, жумладан, тўғридан-тўғри хорижий инвестициялар 563 миллион долларни ташкил қилди. Ўзбекистон Тикланиш ва тараққиёт жамғармаси томонидан иқтисодийнинг стратегик тармоқларида йирик инвестиция лойиҳаларини амалга ошириш учун ўзлаштирилган маблағлар ҳажми 14,3 фоиз кўпайди.

Жорий йил бошидан буён Инвестиция дастури доирасида 368 янги инвестиция лойиҳасини амалга ошириш бошланди, умумий қиймати 76,4 миллион долларлик 12 та йирик ишлаб чиқариш қуввати фойдаланишга топширилди. Хусусан, «Мейлисой кони қурилиши», «Жиззах пластмасса» акциядорлик жамиятида полиэтилен плёнка ва қувурлар, «Ангрен» махсус индустриал зонасида чарм-галантерея буюмлари, «Жиззах» махсус индустриал зонасида шиша толасидан иссиқлик изоляция буюмлари, кенг турдаги электр қурилма ҳамда электротехника маҳсулотлари ишлаб чиқаришни ташкил этиш шулар жумласидандир. Шунингдек, «Бухордонмаҳсулотлари» ва «Навоийдонмаҳсулотлари» акциядорлик жамиятлари тегирмонларида энергия тежайдиган ускуналар ўрнатиш ҳисобидан техник қайта жиҳозлаш ишлари ҳамда бошқа қатор лойиҳалар амалга оширилди.

Бундан ташқари, ҳудудларни ижтимоий-иқтисодий ривожлантириш бўйича ҳудудий дастурларни амалга ошириш давомида шу йил бошидан буён 632 ишлаб чиқариш қуввати, жумладан, озиқ-овқат маҳсулотлари (228 объект), қурилиш материаллари (215), тўқимачилик буюмлари, кийим-кечак ва чарм маҳсулотлари (91), мебель маҳсулотлари (45), кимё ҳамда пластмасса маҳсулотлари (26), машина ва ускуналар (18), фармацевтика маҳсулот ҳамда препаратлари (9) ишлаб чиқарадиган корхоналар ишга туширилди.

Таркибий ўзгаришлар жараёнларини чуқурлаштириш ва саноат тармоқларини диверсификация қилиш натижасида жорий йилнинг биринчи чорагида саноат маҳсулотлари кўпайишининг қарийб 80 фоизи ишлаб чиқарадиган саноат тармоқлари ҳисобидан таъминланди. Жумладан, кимё маҳсулотлари ҳамда пластмасса буюмлар ишлаб чиқариш суръати 29,4, озиқ-овқат маҳсулотлари 14,9, тўқимачилик буюмлари, кийим-кечак ва чарм маҳсулотлари 14,6, фармацевтика маҳсулотлари ҳамда препаратлар 12,8 фоиз ошди.

Автомобиль бензини, аммоний сульфати, натрий нитрати, сеялкалар, марказдан қочирма насослар, цемент клинкерлари, шакар, арпа ёрмаси, гилам ва гилам буюмлари, трикотаж кийимлар, провитамин ҳамда витаминлар, дори-дармон ва бошқа тайёр маҳсулотлар ишлаб чиқариш кўпайди. Хусусан, йил бошидан буён тайёр тикувчилик-трикотаж буюмларининг 18 янги тури ва 24 модели, 38 турдаги қандолат, консервланган мева-сабзавот ҳамда гўшт-сут маҳсулотлари, 26 номдаги дори препаратлари ва бошқа истеъмол товарлари ишлаб чиқариш ўзлаштирилди.

Жорий йилнинг биринчи чорагида 2015 — 2019 йилларда тайёр маҳсулотлар, бутловчи қисмлар ва материаллар ишлаб чиқаришни маҳаллийлаштириш дастурини амалга ошириш доирасида 534 лойиҳа бўйича қиймати 981,3 миллиард сўмлик ёки 2015

йилнинг шу давридагига нисбатан 1,5 баробар кўп маҳсулот ишлаб чиқарилди. Бунда импорт ўрнини босиш самарадорлиги 345 миллион доллардан ошди.

2016 йил бошидан буён маҳаллийлаштирилган 37 турдаги янги маҳсулот, жумладан, нефть-газ-кимё ускуналари ҳамда конвейер ускуналарининг эҳтиёт қисмлари, арматура, автомобиллар спидометри, спорт тренажёрлари, болалар велосипед ва самокатлари, электр сув иситиш мосламалари ҳамда бошқа тайёр маҳсулотлар ишлаб чиқариш ўзлаштирилди.

Шу йилнинг ўтган даврида 2016 — 2020 йилларда хизмат кўрсатиш соҳасини ривожлантириш дастурини амалга ошириш доирасида 2,3 мингдан зиёд объект барпо этилди. Бунинг натижасида кўрсатилган хизматлар ҳажми 12,1 фоиз, хусусан, алоқа ва ахборотлаштириш хизматлари 10,2, молия хизматлари 22,9, соғлиқни сақлаш хизматлари 14, автотранспорт хизматлари 15,7, савдо хизматлари 13,1 фоиз кўпайди.

Энергия сарфини камайтириш, энергия тежайдиган технологияларни жорий қилиш чора-тадбирлари дастурини амалга ошириш доирасида шу йилнинг биринчи чорагида иқтисодиёт тармоқларида қайта тикланадиган энергия манбаларидан фойдаланишни кенгайтириш бўйича йилига 280 миллион кВт/соат электр энергияси, 26 минг Гкал иссиқлик энергияси ва 3,6 миллион куб метр биогаз ишлаб чиқариш кўзда тутилган манзилли тадбирлар ишлаб чиқилди.

Умуман, ишлаб чиқариш қувватларини технологик янгилаш, ишлаб чиқариш харажатларини камайтириш ҳамда энергия самарадорлигини оширишга доир кўрилган чоралар натижасида жорий йил биринчи чорагида ишлаб чиқарилаётган маҳсулотлар таннархини ўртача 9,4 фоиз қисқартиришга эришилди.

II. Иқтисодиётнинг рақобатдошлигини тубдан ошириш, экспортчи корхоналарни кўллаб-қувватлашни кучайтириш

Экспортбоп асосий товарларга нисбатан ташқи бозор конъюнктураси ёмонлашиб, нархлар пасайиши давом этаётган бир шароитда мамлакатимиз ишлаб чиқарувчиларининг ташқи бозордаги ўрнини сақлаш мақсадида 2016 йилнинг биринчи чорагида ташқи бозорда харидоргир маҳсулотлар ҳажми ва турини кенгайтириш, уларнинг рақобатдошлигини ошириш ҳамда экспортга етказиб бериш географиясини диверсификация қилишга доир кўшимча чора-тадбирлар амалга оширилди.

Жорий йил бошидан буён қиймати 270 миллион доллардан зиёд маҳсулотларни экспортга етказиб берадиган 583 янги корхона экспорт фаолиятига жалб этилди, 95 турдаги янги товарлар экспорт қилинди, 20 янги бозорга экспорт маҳсулотлари етказиб берилди.

Ўтган йилнинг шу давридагига нисбатан мева-сабзавот экспорт ҳажми (1,2 баробар), қора металл прокати (1,9 баробар), молибден маҳсулотлари (11 баробар), мис қотишмаси (1,8 баробар), аммоний сульфати (1,7 баробар), супрефос (2,6 баробар), полиэтилен ҳажми (31 баробар) ўсди.

Кичик бизнес корхоналарига ўз маҳсулотларини ташқи бозорга чиқаришга кўмаклашиш мақсадида Маҳсулотлар экспортига кўмаклашиш бюроси томонидан жорий йил бошидан буён 398 корхонага маслаҳат хизмати кўрсатилди, стандартлаштириш, метрология, сертификатлаш, аккредитация, маҳсулот экспорти, халқаро ва давлатлараро талабларни жорий этиш бўйича 29 халқаро шартнома тузилди.

Кичик бизнес ва хусусий тадбиркорлик субъектларининг экспортини кўллаб-қувватлаш жамғармаси 250 тадбиркорлик субъектига қиймати 250 миллион доллардан зиёд маҳсулотларни экспортга чиқаришга ёрдам кўрсатди. Кичик бизнес ва хусусий тадбиркорлик субъектлари «Ўзтадбиркорэкспорт» ихтисослаштирилган ташқи савдо компанияси орқали қиймати 150 миллион доллардан ортиқ ўз маҳсулотини экспорт қилди.

Хўл мева ҳамда қайта ишланган мева-сабзавот маҳсулотларини экспорт қилиш ҳажмини кўпайтириш ва турини кенгайтириш ҳисобидан қишлоқ хўжалиги секторининг экспорт салоҳиятидан тўлиқ ҳамда самарали фойдаланиш мақсадида Ўзбекистон Республикаси Президентининг 2016 йил 18 февралдаги 2492-сонли ва 2016 йил 7 апрелдаги 2515-сонли қарорларига мувофиқ, «Ўзбекозиковқатхолдинг» холдинг компанияси ҳамда «Ўзагроэкспорт» ташқи савдо компанияси ташкил этилиб, юртимизда етиштирилган мева-сабзавотларни экспортга етказиб бериш бўйича уларнинг асосий вазифа ва фаолият йўналишлари белгиланди.

Бу борада амалга оширилган чора-тадбирлар натижасида шу йилнинг биринчи чораги якуни бўйича экспорт қилинган товар ҳамда хизматлар умумий ҳажми ўтган йилнинг шу давридагига нисбатан 100,1 фоизни ташкил қилди.

III. Муҳандислик-коммуникация ва йўл-транспорт инфратузилмасини янада ривожлантириш ва модернизация қилиш

Жорий йилнинг биринчи чорагида йўл-транспорт, ишлаб чиқариш ва ахборот-коммуникация инфратузилмасини янада ривожлантириш борасидаги ишлар фаол давом эттирилди.

2015 — 2019 йилларда муҳандислик-коммуникация ва йўл-транспорт инфратузилмасини ривожлантириш ва модернизация қилиш дастурини амалга ошириш доирасида шу йил бошидан буён 20 километрдан зиёд темир йўл участкалари қайта тикланди, «Ангрен — Поп» электрлаштирилган янги темир йўл линиясини барпо этиш ва «Поп — Қўқон — Андижон» участкаларини электрлаштириш, «Самарқанд — Бухоро» темир йўл линиясини электрлаштириш ва юқори тезликда ҳаракатланадиган йўловчи ташиш поездлари катновини ташкил этиш» лойиҳаси доирасида Бухоро вокзалини қуриш, шунингдек, «Навоий — Конимех — Мискин» темир йўл линияси ва Қандим газни қайта ишлаш заводига олиб борадиган темир йўл қуриш учун ер полотноси ётқизиш ишлари амалга оширилди.

Жорий йил бошидан буён 2013 — 2020 йилларда телекоммуникация технологиялари, тармоқлари ва алоқа инфратузилмасини ривожлантириш дастурига кўра, замонавий технологиялар асосида 500 километрдан зиёд кенг полосали оптик-толлари тармоқлар барпо этилди ва захирага олинди. Ягона интерактив давлат хизматлари порталини модернизация қилиш ва кенгайтириш ишлари давом эттирилди.

Натижада давлат ахборот ресурслари сони 317 тага етди, давлат органлари ахборот тизимлари 484 тадан ошди, 270 турдаги интерактив хизматлар жорий қилинди. Ягона интерактив давлат хизматлари порталига давлат ва хўжалик бошқаруви, жойлардаги давлат ҳокимиятининг 990 органи, уларнинг таркибий ва ҳудудий бўлинмалари уланган. Шу йил бошидан буён Ягона портал орқали 520 мингдан зиёд хизмат кўрсатилиб, ўсиш суръати ўтган йилнинг шу давридагига нисбатан 2,8 мартани ташкил этди.

Қишлоқ жойларда намунавий лойиҳалар асосида якка тартибдаги уй-жой қуриш дастурига мувофиқ, жорий йил биринчи чорагида қишлоқ жойларда намунавий лойиҳалар бўйича 13 мингта янги якка тартибдаги шинам уйлар қурилиши ва бу массивларни замонавий инфратузилма ҳамда бозор инфратузилмаси объектлари билан таъминлаш ишлари бошланди.

Бу борада амалга оширилган чора-тадбирлар туфайли жорий йилнинг биринчи чорагида 2,1 миллион квадрат метр, жумладан, қишлоқ жойларда 1,4 миллион квадрат метр уй-жой, шунингдек, 205,2 километр, жумладан, қишлоқ жойларда 162,3 километр сув қувурлари барпо қилинди.

IV. Хусусий мулк, тадбиркорлик ва кичик бизнесни жадал ривожлантириш ҳамда уларнинг манфаатларини ҳимоя қилиш, иқтисодиётда давлат иштироки улушини босқичма-босқич камайтириш

Иқтисодиётда давлат иштирокини янада камайтириш бўйича комплекс чора-тадбирларнинг амалга оширилиши самарасида шу йилнинг биринчи чорагида хусусий секторга қиймати қарийб 216 миллиард сўмлик инвестиция мажбуриятини қабул қилиш шарти билан 178 давлат объекти сотилди.

Акциядорлик жамиятларига хорижий инвестицияларни жалб этишга доир қўшимча чора-тадбирларни амалга ошириш доирасида ҳисобот даврида 6 йирик акциядорлик жамияти устав фондидаги давлат улушининг 15 ва ундан кўп фоиз ҳажми, жумладан, қўшимча акцияларни муомалага чиқариш орқали хорижий инвесторларга сотилди.

Амалга оширилган чоралар натижасида устав фондида давлат улуши бўлган акциядорлик жамиятлари сони биринчи чоракда ўтган йилнинг шу давридагига нисбатан 1,8 баробар, яъни 378 дан 209 тага камайди.

Акциядорлик жамиятларида корпоратив бошқарув тизимини тубдан ислоҳ этиш мақсадида жорий йилнинг биринчи чорагида Корпоратив бошқарув кодекси тасдиқланди, 244 акциядорлик жамияти томонидан замонавий корпоратив бошқарув талабларига мувофиқ уставлар ва бошқа ички корпоратив ҳужжатлар қабул қилинди.

2016 йилнинг биринчи чорагида тадбиркорлик фаолияти ва кичик корхоналар ташкил этишни қўллаб-қувватлаш мақсадида кичик бизнес субъектларига 3,6 триллион сўмлик кредит ёки ўтган йилнинг шу давридагига нисбатан 1,3 марта кўпроқ, жумладан, 773 миллиард сўмлик микрокредитлар ажратилди, халқаро молия институтларининг 40 миллион долларга яқин кредит линиялари ўзлаштирилди. Ўзбекистон Банклари ассоциацияси ҳузуридаги Инвестиция лойиҳалари бўйича лойиҳа ҳужжатларини тайёрлашни молиялаштириш жамғармаси кўмагида қиймати 10 миллиард сўмлик 16 лойиҳа молиялаштирилди.

Жорий йил бошидан мамлакатимиз туман ва шаҳарларида тадбиркорлик субъектларига «ягона дарча» тамойили асосида давлат хизматлари кўрсатиш «Ягона дарча» марказлари 16 турдаги давлат хизматлари кўрсатиш бўйича «Е-іjго» идоралараро электрон ҳамкорлик тизимини жорий этиш орқали фаолият бошлади. Ҳисобот даврида «ягона дарча» марказлари орқали 23 мингдан зиёд тадбиркорлик субъектларига давлат хизматлари кўрсатилди.

Хусусий тадбиркорликка товар ва хом ашё бозорларидан фойдаланишининг кенгайтирилиши туфайли Республика товар-хом ашё биржасида давлат харидлари бўйича ўз товар ва хизматларини етказиб берувчи сифатида рўйхатга олинган кичик бизнес субъектлари сони 11 фоиз кўпайди, давлат харидлари иштирокчилари умумий сонидан

уларнинг улуши

98,3 фоизни ташкил қилди.

Қулай ишбилармонлик муҳитини шакллантириш борасида амалга оширилаётган чора-тадбирлар шу йилнинг биринчи чорагида 8,4 мингдан ортиқ янги кичик бизнес субъекти, уларнинг асосий қисми саноат ва қурилиш соҳасида (30,8 фоиз) ташкил қилинди.

Бу эса, ялпи ички маҳсулотда кичик бизнес улушини 2015 йилнинг биринчи чорагидаги 41,7 фоиздан 43,1 фоизга, саноатда 32,6 фоиздан 37,3 фоизга, инвестицияларда 31,5 фоиздан 40,2 фоизга, экспортда 20,9 фоиздан 24,4 фоизга, бандликда 76,7 фоиздан 77,1 фоизга ошириш имконини берди.

V. Қишлоқ хўжалигини ислоҳ этишни давом эттириш ва таркибий ўзгартиришларни янада чуқурлаштириш

2013 — 2017 йиллар даврида суғориладиган ерларнинг мелиоратив ҳолатини яхшилаш ва сув ресурсларидан оқилона фойдаланиш Давлат дастури ижроси доирасида жорий йилнинг биринчи чорагида 150 километрдан зиёд коллектор, 35,5 километр ёпиқ коллектор-дренаж тармоқлари, 3 вертикал дренаж кудуғи, 24 кузатув кудуғи, 1 гидротехник иншоот барпо этилди. 2,9 минг километр коллектор-дренаж тармоғи тозаланди. Пудрат ташкилотларига умумий қиймати 40 миллиард сўмлик 140 та мелиорация техника ва ускуналарини лизинг асосида етказиб бериш бўйича шартномалар тузилди.

Қишлоқ хўжалигини янада ислоҳ этиш ва ривожлантириш дастурига мувофиқ, жорий йилда пахта майдонлари 30,5 минг гектар қисқартирилди. Пахтадан бўшаган ерлар ҳисобга олинган ҳолда, асосий экин майдонларига, 172,6 минг гектарга сабзавот, 86,3 минг гектарга картошка ва 26,3 минг гектарга полиз экинлари экилди. 5,2 минг гектар майдонда янги интенсив боғлар барпо этилди, 5,7 минг гектар майдондаги боғ ва 3,2 минг гектар токзор реконструкция қилинди, 163 гектар майдонда 4264 иссиқхона ташкил этилди.

Мева-сабзавотларни сақлаш бўйича моддий-техника базасини янада мустаҳкамлаш ва ривожлантириш мақсадида 10,5 минг тонна мева-сабзавот маҳсулотларини сақлаш учун 16 янги совитиш камераси ташкил этилди.

Натижада шу йилнинг биринчи чорагида 53,1 минг тонна сабзавот (2015 йилнинг шу давридагига нисбатан 110,6 фоиз) етиштирилди. Йил бошидан буён 95,1 минг тонна мева-сабзавот экспорт қилинди.

Чорвачилик тармоғи салоҳиятини янада юксалтириш чора-тадбирларини амалга ошириш доирасида жорий йил бошидан буён қорамол ва паррандаларни кўпайтириш, балиқчилик ҳамда асаларичилик хўжаликларини ривожлантириш бўйича 664 лойиҳа ҳаётга татбиқ этилди. Бунинг самарасида шу йилнинг биринчи чорагида қорамоллар сони 11,5 миллиондан ошди

(2015 йилнинг шу давридагига нисбатан 105,8 фоиз),

425,8 минг тонна гўшт (106,1 фоиз), 12,7 минг тонна балиқ (110 фоиз), 1 594,8 минг тонна сут (106,4 фоиз),

1 180,4 миллион дона тухум (106,7 фоиз) ва бошқа маҳсулотлар ишлаб чиқарилди.

VI. Ижтимоий соҳани ривожлантириш, аҳоли ҳаёт даражаси ва сифатини янада ошириш

Иш ўринлари ташкил этиш ва аҳоли бандлигини таъминлаш дастурини амалга ошириш доирасида жорий йилнинг биринчи чорагида 167,4 мингта иш ўрни яратилди. Уларнинг 57,7 фоизи қишлоқ жойларда ташкил этилди.

Янги ташкил этилган иш ўринларининг 12,9 мингтаси саноатни модернизация ва диверсификация қилиш дастурларини амалга ошириш, 14,7 мингтаси муҳандислик-коммуникация ва йўл-транспорт инфратузилмасини ривожлантириш ҳамда қишлоқ жойларда намунавий лойиҳалар асосида уй қуриш дастурини ҳаётга татбиқ этиш, 66,4 мингтаси кичик бизнес ва хусусий тадбиркорликни ривожлантириш, 36,7 мингтаси қишлоқ хўжалигини ислоҳ этиш ва ер участкаларини оптималлаштириш дастурларини бажариш, 36,7 мингтаси хизмат кўрсатиш ва сервис соҳаси, оилавий бизнес ва касаначиликни ривожлантириш ҳисобидан ташкил қилинди.

2015/2016 ўқув йилида касб-хунар коллежлари битирувчиларининг ишлаб чиқариш амалиётини ташкил этиш ва бандлигини таъминлаш мақсадида битирувчиларнинг ишлаб чиқариш амалиётини ташкил қилиш ва уларни кейинчалик мазкур корхоналарга ишга жойлаштириш кўзда тутилган комплекс чора-тадбирлар ишлаб чиқилди. Касб-хунар коллежларининг

387 минг битирувчилари билан тўрт томонлама — «коллеж — корхона — битирувчи — ҳоким» шартномалар тузилиб, кейинчалик иш билан таъминлаш мақсадида амалиёт ўташи учун улар 150 мингдан ортиқ корхона ва ташкилотга бириктирилди.

Таълим жараёни ва тиббиёт хизмати сифатини янада юксалтиришга доир амалга оширилаётган чора-тадбирлар доирасида жорий йил бошидан буён таълим ва тиббиёт муассасалари объектларини қуриш, реконструкция қилиш ва капитал таъмирлаш, шунингдек, уларни зарур инвентарлар билан жиҳозлаш учун қиймати 221 миллиард сўмлик капитал қўйилмалар ўзлаштирилди (2015 йилнинг шу давридагига нисбатан 113,9 фоиз).

VII. «Соғлом она ва бола йили» Давлат дастури ижроси

«Соғлом она ва бола йили» Давлат дастури ижроси доирасида шу йилнинг биринчи чорагида оила, оналик ва болаликни муҳофаза қилиш тизимини такомиллаштириш, соғлом ва баркамол авлодни тарбиялаш, мустаҳкам, соғлом ва аҳил оилани шакллантиришда жойлардаги давлат ҳокимияти органлари ва жамоат ташкилотлари ҳамкорлигини мустаҳкамлашга қаратилган меъёрий-ҳуқуқий ҳужжатлар ишлаб чиқилди.

Тиббиёт хизмати сифатини янада юксалтириш мақсадида соғлиқни сақлаш тизимининг амбулатория-поликлиника бўғинини мустаҳкамлаш, замонавий даволаш ва ташхис қўйиш ускуналарини жорий этиш, аҳолига амбулатория-поликлиника ёрдами кўрсатишни такомиллаштириш ҳамда профилактика тадбирларини кенгайтириш чора-тадбирлари амалга оширилди.

Халқаро ташкилотларнинг молиявий кўмаги билан мамлакатимиз клиникаларида туғма ривожланишида нуқсонлари бўлган 44 та ва туғма юрак хасталиги билан туғилган 10 та бола операция қилинди ҳамда соғломлаштирилди. 155 минг нафардан зиёд бола бошқариладиган 12 инфекцияга қарши эмланди. 14 ёшгача фарзанди бўлган 1120 оилага, 2 ёшгача фарзанди бор 8460 оилага, шунингдек, 2310 кам таъминланган оилага моддий ёрдам кўрсатиш белгиланди.

«Соғлом она ва бола йили» Давлат дастурини амалга ошириш доирасида ушбу мақсадларга жами қарийб 1,3 триллион сўм йўналтирилди.

2016 йилнинг биринчи чорагида иқтисодий ривожланишнинг юқори ўсиш суръатлари ва макроиқтисодий мутаносибликни сақлаш салбий ташқи ўзгаришларга муваффақиятли қарши туриш ҳамда жорий йилда иқтисодиётимизнинг 7,8 фоиз даражасидаги прогноз

Ўсиш суръатларига эришиш учун салмоқли захира ва имкониятлар мавжудлигидан далолат беради.

Ўзбекистон Республикаси Президенти Ислон Каримовнинг жорий йил 15 январдаги мамлакатимизни 2015 йилда ижтимоий-иқтисодий ривожлантириш якунлари ва 2016 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг кенгайтирилган мажлисида белгилаб берган ва хом ашё ресурсларини қайта ишлашни чуқурлаштириш, юқори қўшимча қийматга эга тайёр маҳсулотлар ишлаб чиқаришни кенгайтириш, хусусий мулкчиликни ривожлантириш ҳамда мамлакатимиз аҳолисининг тадбиркорлик даромадларини кўпайтириш учун кенг имкониятлар яратишга қаратилган иқтисодий дастурнинг энг муҳим устувор йўналишларини изчил рўёбга чиқариш келгуси йилларда иқтисодиётимиз барқарорлигини янада оширишни таъминлаш борасида муҳим вазифалар ҳисобланади.

Фавворалар жозибаси

Тошкент ва Самарқанд шаҳарларида ўтказилган “Фавворалар сайли” ёшлар оммавий-маданий тадбирлари барчага чексиз қувонч бахш этди.

Бу йил мамлакатимиз мустақиллигининг қутлуғ йигирма беш йиллигини кенг нишонлаймиз.

Ўтган вақт мобайнида юртимизда улкан янгиланишлар амалга оширилди. Бундай эзгу саъй-ҳаракатлар бугун ҳам изчил давом эттирилаётганини алоҳида таъкидлаш жоиз. Бинобарин, ҳар бир соҳада ривожланиш кузатилаётир. Ёшларимиз ўз билим ҳамда салоҳияти билан дунёда ҳеч кимдан кам эмасликларини намоён қилишяпти. Замоनावий бинолар, муассасалар қад ростламоқда. Доно халқимиз “Тинч юртга тўю тантаналар ярашади”, деб бежиз айтмаган. Буларнинг барчаси мамлакатимиздаги осойишталик самарасидир.

Мана, уч йилдирки, 1 май республикамызда “Фавворалар сайли” сифатида кенг нишонланмоқда. Одамларимизга янада кўтаринки кайфият, хурсандчилик улашишга хизмат қилувчи ушбу байрам нуфузи тобора ортиб бораяпти.

Бу йил ҳам мазкур анжуман Ўзбекистон Республикаси Вазирлар Маҳкамасининг 2014 йил 23 апрелдаги “Тошкент шаҳрида “Фавворалар сайли” ёшлар оммавий-маданий тадбирларини ташкил этиш чора-тадбирлари тўғрисида”ги қарорига биноан ўтказилди. Пойтахтимизда кўтаринки руҳда кечган мазкур сайил ўтган йилдан эътиборан кўхна ва ҳамиша навқирон Самарқанд шаҳрида ҳам уюштириб келинмоқда.

“Соғлом она ва бола йили” Давлат дастури доирасида ташкил қилинган тадбирда нуруний отахону онахонлар, турли ёш вакиллари, кенг жамоатчилик, иқтидорли йигит-қизлар, хусусан, Зулфия номидаги Давлат мукофоти, “Ўзбекистон белгиси” кўкрак нишони соҳиблари, Президент стипендиатлари, спортчилар, талабалар, ўқувчилар, Тошкент ҳамда Самарқанд шаҳри меҳмонлари ва хорижлик сайёҳлар қатнашди.

Пойтахт кўрки

Истиқлол йилларида Тошкент том маънода мегаполисга айланди. Шаҳар қиёфаси тарихий кўркини йўқотмасдан, замонавийлик касб этаётир. Мустақиллик майдони, “Ўзбекистон” халқаро анжуманлар

саройи, Симпозиумлар саройи ва Алишер Навоий номидаги Миллий кутубхонани ўз ичига олган “Маърифат маркази”, Ҳазрати Имом (Хастимом) мажмуаси, “Шаҳидлар хотираси” ёдгорлик мажмуи, Амир Темури хиебони, “Бунёдкор” спорт мажмуаси каби иншоотларимиз бугун юртимизга ташриф буюраётган хорижлик меҳмонларда хайрату ҳавас уйғотаётгани ҳам бежиз эмас.

Пойтахтимизни янада жозибадор қилиб кўрсатаётган фавворалар истироҳат боғлари, хиебонлар, бинолар, таълим муассасалари, меҳмонхоналар, шифохоналар ҳудудида ўзига хос ансамблни ташкил этган.

Унутилмас сайр

“Фавворалар сайли” пойтахтимиздаги 14 та йирик фаввора ёнида ташкил қилинди. Унда санъаткорлар, шоир ва ёзувчилар, сўз усталари, кино ҳамда театр актёрлари ўз дастурлари билан қатнашди. Шунингдек, ёш шоирларнинг мушоиралари, Тошкент шаҳридаги “Баркамол авлод” болалар марказлари, мусиқа ва санъат мактаблари ўқувчилари ҳамда ёш рассомларнинг ижодий ишлари кўргазмаси, “Камолот” ЁИХ фаолларининг турли танлов ва викториналари уюштирилди.

— Пойтахтдаги “Фавворалар сайли”да қатнашиш учун турмуш ўртоғим ва қизим билан Термиз шаҳридан келдик, — дейди Ваҳоб Туробов. — Қайфиятимиз аъло. Тошкентнинг гўзал ҳамда диққатга сазовор жойларини айландик, эсдалик учун суратга тушдик. Себзор кўчаси бўйлаб Абдулла Қодирий кўчаси устидан ўтган замонавий кўприкни бориб кўрдик. Бу мажмуанинг икки томонида пиёдалар учун иккита ер усти ўтиш йўлаги барпо қилингани барчамизда катта таассурот қолдирди. Бундай ажойиб иншоотлар, байрамлар юртимиздаги тинчлик ва осойишталик туфайлидир.

Навбатдаги манзилимиз “Болажон” маданият ва истироҳат боғи бўлди. Бу ерда жажжи болакайлар ҳамда уларнинг

ота-оналари учун зарур шарт-шароитлар яратилган. Шу куни боғда янги ҳаётга қадам қўяётган кўплаб келин-куёвлар сайрга чиққанининг гувоҳи бўлдик.

Хорижликлар хайрати

Самарқандда ҳам “Фавворалар сайли” кўтаринки қайфиятда ўтди.

Шаҳарнинг Кўксарой, Рухобод, Ҳамид Олимжон номидаги мусикали драма театри майдонлари, Университет ҳамда Йўлбарслар хиебони, Шоирлар боғи, аэропорт ва темир йўл вокзали олдидаги фавворалар атрофида “Тоза сув, мусаффо ҳаво — соғлом ҳаёт!” шиори остида сайил ўтказилди.

Тадбирларни қадим ва навқирон шаҳарга ташриф буюрган 500 нафарга яқин сайёҳлар ҳам бевосита томоша қилишди. Тарихий асарлардан фаввораларимиз ҳақида олган билимларини замонавий талқиндаги маълумотлар билан бойитдилар.

— Самарқандда ўтаётган “Фавворалар сайли”да қатнашаётганимдан мамнунман, — дейди АҚШлик сайёҳ Эндрю Мобз. — Бизда ҳам фавворалар кўп, аммо бундай байрам йўқ. Юртингизда фавворалар атрофи туну кун одамлар билан гавжумлиги ҳам эътиборимни тортди. Бу, албатта, халқингизнинг бугунги кунидан кўнгли тўқлиги, эртанги кунга ишончи юксаклигини билдиради.

Сайилларда вилоятнинг таникли санъаткорлари, ёш ижрочилар, бадий хаваскорлик жамоалари чиқишлари, театр ижодкорлари томонидан тайёрланган сахна асарлари намойиш этилди. Тажрибали рассомлар хаваскор мусаввирлар учун маҳорат сабоқларини ўтдилар. Турли спорт мусобақалари, интеллектуал танловлар, расмлар кўргазмаси ташкил қилинди.

Умуман, “Фавворалар сайли” тинчлик, шукроналик ҳамда ёшлик байрамига айланди. Зеро, ана шундай эзгу кайфият барқарор юртда таракқиёт бўлади.

Маҳалла сайловига тайёргарлик қизғин давом этмоқда

Республикамизда ҳуқуқий демократик давлат, кучли фуқаролик жамиятини барпо этишда маҳалла институтининг ўрни ҳамда аҳамияти тобора ортиб борапти. Мазкур тузилма ваколатлари янада кенгайтирилгани, фуқаролар йиғини раислари ва улар маслаҳатчилари сайловига тайёргарлик жараёнларида очиклик ҳамда ошкоралик устуворлиги таъминланаётгани, бу вазифаларга эл-юрт хурматиға сазовор, ҳар томонлама муносиб, ташаббускор фуқароларнинг сайланишида тегишли қонунчилик меъёрлари белгиланганлиги муҳим омил бўлиб хизмат қилмоқда.

Маълумки, жорий йилнинг май — июнь ойларида бўлиб ўтадиган сайловда 9764 нафар фуқаролар йиғини раиси ва уларнинг 99 минг нафардан зиёд маслаҳатчилари сайланади. Шу муносабат билан республикамизнинг барча ҳудудида мазкур муҳим тадбирға пухта тайёргарлик кўрилаяпти. Сайловнинг ошкоралик, муқобиллик ҳамда тенглик принциплари асосида ўтиши учун зарур чоралар кўрилаяпти. Бу борада фуқаролар йиғини раислари ва уларнинг маслаҳатчилари сайловини ташкил қилиш ҳамда ўтказишға кўмаклашувчи комиссиялар ва ишчи гуруҳлар учун қулай шароит яратиб берилгани ҳамда уларнинг самарали фаолият олиб бораётгани алоҳида аҳамият касб этаётир. Фуқаролар йиғинлари органларини шакллантиришда фуқароларнинг конституциявий ҳуқуқларини тўлиқ рўёбға чиқариш учун ташкилий-ҳуқуқий шарт-шароитлар яратиш, сайлов жараёни иштирокчиларининг амалдаги қонунчиликка риоя қилишларини таъминлаш, фуқаролар йиғини раислари ва уларнинг маслаҳатчилари лавозимларига номзодларнинг иш ҳамда ахлоқий фазилатлари билан аҳолини таништиришға қаратилган саъй-ҳаракатлар изчил давом эттирилмоқда.

Олимпиада йўлланмалари берилди

“Ўзбекистон” спорт мажмуасида оғир атлетика бўйича катталар ўртасидаги Осиё чемпионати яқунланди.

Осиё оғир атлетика федерацияси, Ўзбекистон Республикаси Маданият ва спорт ишлари вазирлиги, Миллий олимпия қўмитаси ҳамда Оғир атлетика федерацияси ҳамкорлигида ташкил этилган мазкур нуфузли мусобақада қитъамизнинг ўттиздан зиёд давлатидан уч юзга яқин спортчи совринли ўринлар билан бирға, Бразилиянинг Рио-де-Жанейро шаҳрида бўлиб ўтадиган XXXI ёзги Олимпиада ўйинлари йўлланмалари учун ҳам баҳс олиб борди.

Мусобақада энг тажрибали спортчимиз, оғир атлетика бўйича Осиё ва жаҳон чемпиони Руслан Нурудинов 105 килограммдан оғир бўлган полвонлар ўртасида муваффақият қозонди. У штангани даст кўтаришда 191 килограмм натижа қайд этиб, олтин медаль билан тақдирланди.

Яна бир маҳоратли атлетимиз Иван Ефремов вазни 105 килограммгача бўлган спортчилар баҳсида даст кўтаришда 183 килограмм тошни бўйсундириб, ғолиб чиқди. Силтаб кўтаришда 211 килограмм, иккикураш якунига кўра эса 394 килограмм натижа билан бронза ва кумуш медалларни қўлга киритди. Ушбу вазн тоифасида Сардор -Дўстмуродов ҳам совриндорлар қаторидан жой олди.

Аввалроқ вазни 62 килограммгача бўлган полвонлар ўртасида Адҳам Эргашев бронза медаль соҳибига айлангани ҳақида хабар берган эдик.

Аслида, оғир атлетика бўйича эркаклар терма жамоамиз сўнгги икки жаҳон чемпионати якунлари бўйича Бразилияда бўлиб ўтадиган ўйинлар лицензияларини нақд қилиб қўйишган эди. Шу боис ҳам тўрт йилликнинг энг нуфузли мусобақаси йўлланмаси билан боғлиқ навбатдаги хушxabар аёллар терма жамоасидан кутилаётганди. Улар бу ишончни оқлаб, барчага қувонч улашишди.

Яна бир жиҳатни айтиб ўтиш ўринли. Мазкур спорт турида лицензиялар терма жамоаларга берилиши туфайли XXXI ёзги Олимпиада ўйинларига борадиган полвонларимиз номи нуфузли беллашув арафасида Ўзбекистон оғир атлетика федерацияси томонидан эълон қилинади.

Тадбирда Ўзбекистон Республикаси Бош вазирининг ўринбосари Б. Зокиров иштирок этди.